

30. grudnia 2016 r

Łōński rok, abo można i załōński rok. Po wieczery wilijnyj starzik ze starkōm siupnyli sie kole kachloka. Łōn zwykowo zakurzōł se fajfka a łōna mamlała sie tam pomaluśku jakiesik roziny, datle, kokosfloki i co tam jesce do maszkycynia miała. Łorōz starzik napoczynō:

– Wiysz, a jō by sie kciōł ciebie cosik spytać. Niy gorsz sie, bo mocka lōt my ze sia szczimali a jō cinyngiy m edikuja eliś ty mie kejsik zdradziōła ze jakimsik inkszym chopym.

– A ustōń gupieloku – łodmrōnkła starecka. – Co cie dzisiōj chyciyło?

– Nō, niy gorsz sie, przeca my już sōm siarōńsko stare, to przeca mogesz mi pedzieć, eżli żeś mie zdradziyla... i wiela razy to bōło.

– Kejżeś taki dociyrny to ci rzykna, coch cie zdradziyla ze inkszym chopym trzi razy. Kciōleś, to mōsz – łodmrōnkła juzaś starka i dalszij ćkała te rozinki.

– Nō, nō, przeca jō ci niy byda terōzki sam nic przeciepywōł, niy byda ci nic wytyczać. Niy, blank mi to już je jedno. Nale... rzyknij mi jesce ino (przeca ino tak dlō dociyrnōści, ino skuli tego, co jō zawdy bōł wrazidlaty) – pedziōł po jakisik świerci godziny starzik i dalszij sie ta fajfka bakōł. – a ze jakim chopym to bōło tyn piyrszy rōlz?

– Eeeee, tyż cie juzaś cosik chyciyło.

– Już niy byda wiyncyj pytōł, ale po tyluch latach, przy Wiliji to mi cheba mogesz pedzieć fto to bōł? Przeca to je już mi terōzki blank egal. Rzyknij mi to! Przeca mogesz mi to pedzieć.

– Boczysz, kej dōwno tymu niy zdało ci sie nasze pomiyszkanie. Deptōleś sōm po roztomajtych urzyndach, spōłdziylniach i nic ?

– Nō, i? Co to mō ze sia do kupy?

– Anō, bōł we magistracie jedyn taki byamter, kery na isto wszyjsko poradziōł zeżynōńć, załatwić. To bōło śniym.

– Nō, ja. To ci moga wybōczyć, bo to bōło wszyjsko dlō naszymy familiji, pra?

– A, a... tyn drugi rōlz ? – niy dowo pokōj starzik.

– Tyn drugi rōlz to bōło wtynczōs, kej ci bōło potrza betkōw na borg ze banku. Bōł taki jedyn prezes... i niyskorzij aniś sie niy spodzioł, kejeś erbnōł srogō, szykownō „pożyczka” ze tego banku.

– Nō, ja. Niy byda sie gorszōł, niy byda ci tego przeciepowōł, bo to tyż bōło na to, cobyhmy mōgli sie lajstnōńć takō gryfnō rajza do Egiptu. – łopedziōł zgodliwie starzik.

– Nale, tōż rzyknij mi jesce na łostatek, kejs tela mi już pedziała, fto to bōł tyn trzeci ? – rzōndzi dalszij uwziynty przy tyj wiliji starzik.

– Tyn trzeci rōlz? Tyn trzeci rōlz to bōło kej cie ludzie wywelowali na rajce miyjskiego. Kciōleś we tyj radzie, coby ci uchwōyli jedna takō twoja „uchwała”, tela... co ci brakowało do tego uchwołyniō... śtyrnośćie głosōw !!!